

UGOVOR O POSLOVNOJ SARADNJI

Zaključen dana 01.01.2024. godine između:

1. **ZDRAVSTVENA USTANOVA - LJEČILIŠTE „BANJA - TERME- ILIDŽA“, ul. Hrasnička cesta br. 10, 71210 Ilidža, ID broj: 4201055260001, koju zastupa dr Enes Šačić , specijalista fizikalne medicine i rehabilitacije kao davaoca usluga (u daljem tekstu: Lječilište)**
i
2. **SINDIKAT UMIROVLJENIKA HRVATSKE** koju zastupa gđa Jasna Petrović kao korisnika usluga .

Član 1.

Predmet ovog Ugovora je pružanje usluga fizikalne medicine i rehabilitacije, kao i ostalih medicinskih usluga iz domena poslovanja Lječilišta, za klijente Sindikata Umirovljenika Hrvatske.

Član 2.

Ugovorne strane ugovaraju osnovne elemente programa fizikalne rehabilitacije u trajanju od 10 (deset) dana, koja se sastoji u sljedećem:

- Smještaj na bazi punog pansiona u Hotelu „Terme“ 4* (svi obroci na bazi švedskog stola) u 1/2 i 1/3 sobama;
- Piće dobrodošlice
- Specijalistički pregled
- Kontrolni pregled
- Do 4 - 6 fizikalnih terapija po preporuci ljekara
- Korištenje bazena, fitnessa i saune
- Grupna vježba u okviru boravka grupe (unutar objekta i u parku hotela);
- Organizacija jedne terapijske šetnje Alejom do Vrela Bosne, čaj u restoranu „Labud“ na Vrelu Bosne, a sve u pratnji fizioterapeuta
- Vođenje medicinske evidencije i dokumentacije
- Svečana večera s muzikom i kulturno - zabavnim sadržajem u organizaciji hotela za dvije večeri
- Obezbjeden parking za autobuse
- Obezbijeden wi-fi u cijelom hotelu
- Rana prijava grupe u hotelu te prijem kod ljekara
- Radno vrijeme za terapije od 07:30 – 22:00 sati.

Član 3.

Ugovorne strane dogovaraju cijenu usluga programa fizikalne rehabilitacije iz člana 2. ovog Ugovora i to kako slijedi:

MJESEC	CIJENA
NOVEMBAR, DECEMBAR, JANUAR, FEBRUAR, MART, APRIL	430 €
Jednokrevetna soba	550 €

Cijene su izražene u neto iznosu, te je u iste uključena boravišna taksa, kao i osiguranje.

Napomena: U slučaju da trajanjem programa fizikalne terapije budu obuhvaćena 2 mjeseca iz različitih cjenovnih kategorija iz stava 1. ovog člana, obračun će se vršiti prema cijeni za mjesec u kojem program fizikalne terapije obuhvata više dana, a u slučaju jednakog broja dana trajanja programa fizikalne terapije u različitim mjesecima, obračun će se vršiti prema cijeni za mjesec u kojem je program započet.

Na zahtjev Korisnika usluga, program fizikalne terapije može trajati i duže od 10 (deset) dana, za koji program će se formirati posebna cijena.

Dodatne usluge uz doplatu:

- Korištenje raznih vrsta masaža iz ponude Lječilišta;
- Korištenje Wellness centra (kombinovana sauna, tursko kupatilo, kozmetički salon, solarij...)
- Posjeta izvoru Vrelo Bosne - 2 € po osobi
- Mogućnost organiziranja vodiča za razgledanje grada Sarajeva, sa akcentom na Baščaršiju;
- Mogućnost organiziranja izleta nakon terapija na jednu od Olimpijskih planina – Igman i Bjelašnicu.

Plaćanje usluga će se vršiti avansno prilikom rezervacije ili prilikom prijave na recepciji, u konvertibilnim markama (BAM), ili eurima (EUR) po važećem kursu na dan prijema.

Član 4.

Cijene usluga programa fizikalne terapije iz člana 3. ovog Ugovora važe za grupe od po minimalno 30 osoba, dok će se sve grupe ispod tog broja smatrati individualnim korisnicima usluga.

Sve rezervacije i kontakti vezano za usluge koje su predmet ovog Ugovora će se vršiti putem telefona: +38733772077 ili putem e-mail: marketing2@hoteliilidza.ba, kontakt osoba: Hermina Aganović.

Rezervacija grupnih korisnika progama fizikalne terapije će se vršiti najkasnije 15 (petnaest) dana prije planiranog dana dolaska.

Rezervacija najavljenje grupe korisnika programa fizikalne rehabilitacije se može otkazati bez naplate najkasnije 7 (sedam) dana prije najavljenog dana dolaska.

Član 5.

Svu organizaciju evidentiranja umirovljenika za korištenje programa, rezervaciju smještaja, slanje uputnica, plaćanje boravka i slično, preuzima udruga SUH-a ili podružnica SUH-a čiji članovi grupno borave u lječilištu.

U realizaciji ovog Ugovora, Lječilište odobrava na svakih 25 osoba, 1 osoba gratis (gratis samo na smještaj na bazi punog pansiona i terapije , osim za vozače autobusa)

Član 6.

Lječilište zadržava pravo promjene cijena programa fizikalne terapije, kao i komercijalnih popusta iz članova 3.,5. i 6. ovog Ugovora, što će biti regulisano aneksima ovog Ugovora.

Promjene cijena su moguće samo na termine koji su rezervisani unaprijed.

Član 7.

Plaćanje je potrebno izvršiti avansno prije dolaska grupe na liječenje 50 % te drugi dio, 50 % po dolasku grupe.

Član 8.

Davalac usluga se obvezuje objaviti minimalno jedanput godišnje oglas ili čestitku u Glasu umirovljenika, službenom glasilu Sindikata umirovljenika Hrvatske. Sindikat će davaocu usluga odobriti popust od 10 posto od važeće cijene prilikom oglašavanja u Glasu umirovljenika.

Sindikat će informirati članstvo o ponudi davaoca usluga, aktualnim cijenama i popustima na web stranici SUH-a www.suh.hr te jednom godišnje u Glasu umirovljenika kada objavljuje skupne povlastice poslovnih partnera.

Član 9.

Eventualno nastale sporove po pitanju odredbi ovog Ugovora, ugovorne strane će rješavati sporazumno, na fer i prijateljski način. U protivnom, ugovara se nadležnost Općinskog suda u Sarajevu.

Član 10.

Ovaj Ugovor se zaključuje na period od jedne godine od dana potpisivanja, odnosno od 01.01.2024. do 01.01.2025. godine.

Ovaj Ugovor se može raskinuti i prije isteka roka na koji je zaključen, pismenim otkazom, uz otkazni rok od 30 (trideset) dana.

Član 11.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva).

ZA DAVIOCA USLUGA



ZA KORISNIKA USLUGA

